

四庫全書

史部

# 欽定四庫全書

史部

世宗憲皇帝上諭旗務議覆卷三  
四

詳校官左都御史<sub>臣</sub>李綬

編修<sub>臣</sub>張謙履勅

總校官知縣<sub>臣</sub>楊懋珩

校對官助教<sub>臣</sub>卜維吉

謄錄監生<sub>臣</sub>白登雲

欽定四庫全書

世宗憲皇帝上諭旗務議覆

倉場侍郎法敏等奏稱臣等將各倉米石拌勻支放

訪得領米之人或有開拌勻之米不好者且用錢行

賄之弊尚未盡除奉

上諭朕因從前倉役人等得錢則給與好米否則給與成

色米故令將米石拌勻支放不但使倉役無索詐之端

即旗人知米色拌勻亦必不肯以錢行賄如此則旗人

既不費錢財均得一色之米而倉役索詐之弊亦可革除所以降旨令其拌勻有謂拌勻之米不好者特倉役等黃緣之所致也倉內所有只此米石並無別色之米此俱係倉人等欺誑旗人欲得財賄之故爾等行文八旗令都統等傳問兵丁或情願領此拌勻之米或仍欲用錢而領未拌之米詢明定議各行具奏特諭

八旗都統等議覆

臣等欽遵

上諭各將所屬兵丁傳集詢問僉稱去歲將米拌勻支放



行叅劾可也

奏入於雍正三年正月二十三日奉

旨依議

召入輔國將軍善福奉國將軍塞爾赫奉恩將軍察達保  
格等奉

上諭朕惟睦族敦宗務先教化常見宗室中習氣未善各  
懷私心互相傾軋竝無扶持愛護之意惟知寵厚妻黨  
姻婭其於本支骨肉視若讐敵殊為悖謬或因祖父昔

日微嫌追念舊惡必圖報復即如齊正額行事無狀甘蹈匪僻以致重干法紀王貝勒之子孫妄自尊大任意奢侈不顧禮義陷於罪戾者往往有之其將軍及閒散宗室不知自重狎比小人蕩盡先人產業而為無恥之事者尤為不少昔我

皇考加恩宗室養育栽培撫恤備至苟有片長薄技靡不收錄如普奇經希勒席恒等皆曾擢用伊等不思感恩酬德反要結朋黨專事鑽營大負

皇考委任之意且其居家素行亦多凶謬即如賴士不安本分蕩產破家及其贖罪軍前仍不改過生事訐告宗室中似此不肖無恥者不可枚舉朕常嘆前明宗室年久繁衍失於訓教末流猥鄙至不可言誠恐朕之宗室日流日下不知前鑒深用為憂是以深慮熟籌亟思保全之道若非立學設教鼓舞作興循循善誘安能使之改過遷善望其有成今特立義學揀選爾等教習宗室爾等隨其資質勸學興行導以禮義夫教訓之方漸摩陶



養非可責效旦夕爾等須盡心竭力善為開導毋避怨  
母倦怠教習久而理義明自當遠惡從善或有不遵教  
訓罔顧廉恥有玷名教者小則爾等自行懲戒大則揭  
報宗人府會同奏聞其行止端方精勤好學者無論年  
齒長幼即行保奏從來立教之術莫要於獎善懲惡善  
不獎不能使之改爾等既膺簡任其各平心靜氣屏除  
私意教訓宗室子弟如己之子弟懇懇無毫髮不盡其  
心可將此旨通行曉諭令朝夕記誦如木鐸之警衆俾

皆覺悟自新庶幾積習可除翕然向化以協休風爾等  
務期勤慎黽勉恪供厥職以副朕篤厚宗親殷勤教育  
之至意特諭

宗人府議覆欽惟

皇上御極以來勵精圖治庶績咸熙聲教訖於寰宇又念  
宗室之衆非鼓勵漸摩難望其洗心向善特頒

諭旨賜立官學於宗室中揀選齒尊輩長者四人委以訓  
導之任令其教習所以篤愛宗室者至矣今八旗宗

室蒙

皇上養育之恩繁衍至千有五百餘人王貝勒貝子公將軍閒散宗室之十八歲以下子弟內有情願在家讀書者聽其在家讀書外其在官學讀書之宗室或清書或漢書隨其志願分別教授十九歲以上已曾讀書之宗室有願入學讀書者亦令其入學讀書讀書之宗室甚多將

皇上所賜左翼右翼兩處官房每翼各立一滿學一漢學

其教授宗室人員於各部院現任司官中書內擇其  
人品老成學問優長者四員每翼分與二員教習清  
書令禮部揀選教習四員每翼分與二員教習漢書  
騎射亦屬緊要應行文兵部或現在善射記名之十  
五人員或在善射記名十五人內退下之間散官及  
護軍校護軍內有善教騎射者揀選四人每翼分與  
二人於官學內修一箭道讀書之暇教以習射

皇上所選宗室四人教習衆宗室子弟恐難周到

臣

等請

於宗室內年長謹慎不拘旗分挑選十六人每旗各分二人協助

皇上所選宗室四人一同教授將

皇上所選宗室四人名為正教長

臣

衙門所選宗室十六

人名為副教長如正教長缺出即於副教長內揀選引

見補授令伊等輪流值日在學中不時勸勉導之禮義隨其資性勵學興行如有不知守分恣意妄行或狡骨

懈惰任性遊蕩者各教長嚴加訓飭若仍不改即具  
揭本衙門臣等親加嚴飭甚者指名題叅治罪至讀  
書宗室若不考校無以分其優劣每月考試一次將  
學業騎射好者平常者不好者分別等第申報本衙  
門註冊每年春秋二季臣等親試其學業優長騎射  
超軼者奏

聞引

見優者選用劣者因此知所勸勉效法則人各勤學而材

可成矣在學讀書之宗室如每飯令其回家恐妨學  
業讀書宗室與值日教長每人按月給以公費銀三  
兩粳米三斗讀書宗室每人按月各給川連紙一刀  
筆三枝墨一錠每年自十一月初一日起至次年正  
月月底止各給炭一百八十觔各學每年自五月初  
一日起至七月底止每日給冰一塊教習清書司  
官中書之該部院所得公費許伊等領去使用教漢  
書教習等照國子監教習例每月給米二斛三十六

箇月滿時咨送吏部照例補用教騎射之閒散官護軍校護軍等照筆帖式例每月給公費銀一兩將此應給銀米筆墨紙炭冰塊行文該部領取所立宗學房屋臣等親身閱看將應修之處臣衙門派官料估領取工部錢糧修理將所用錢糧核算題銷宗學一切應傳事件於每旗挑披甲二人傳事若將讀書宗室教授五年果能成就多人臣等查明奏

聞賞給正教長每員戶部庫緞四疋副教長每員兩疋教



長中有能勤勞供職善於訓化者臣等衙門另行保舉奏

聞教習清書司官中書行文該部院議叙教習騎射人員交與該旗以伊等應陞之缺即用有不能稱職懶惰懈弛者指名題叅治罪如此則教習諸人自各盡心效力而讀書之宗室亦必相與鼓舞自新改過遷善親親長長勵學興行安分知恥循循禮讓以仰副我皇上教育振興期望宗室造就有成同歸於善之至意矣

奏入於雍正三年三月十一日奉

旨依議

上諭大臣等已經增給親丁其前鋒叅領護軍叅領副護軍叅領等職行走之處既多看守又關緊要著八旗大臣等將前鋒叅領護軍叅領副護軍叅領等如何加恩給與親丁錢糧之處公同會議具奏特諭

八旗大臣等議覆仰惟我

皇上將官兵生計周思詳度屢加

殊恩不可殫述今又

特命

臣

等議給前鋒叅領護軍叅領等親丁錢糧此誠

惠施均頒之至意也

臣等欽遵

上諭查得每旗前鋒叅領二員前鋒侍衛二員護軍叅領十六員副護軍叅領十四員其前鋒叅領護軍叅領俱有食一兩錢糧之親丁一名今增給錢糧二兩折給米銀一兩至前鋒侍衛副護軍叅領向無親丁亦給與親丁一名每月食錢糧一兩折給米銀一兩可

也

奏入於雍正三年三月十六日奉

旨前鋒侍衛亦照依叅領給與餘依議

八旗大臣等奉

上諭出牧之馬匹其有遺失損傷者係令出牧之大臣官員賠補抑令養馬之人賠補若令養馬之人賠補殊覺拮据或令出牧之人賠補將如何措置之處爾等詳查舊例議奏特諭

八旗大臣等議覆<sup>臣</sup>等查得舊例凡出牧之馬匹如有死傷遺失者係出牧之副都統以下官員賠補數年以來兵丁或不能拴養馬匹或無餵養馬匹之處俱交在本佐領處酌量餵養數年間凡有用馬之處並未<sup>有</sup>誤遇有倒斃損傷馬匹俱於該佐領下添補每年出牧之馬匹內有倒斃損傷遺失者若盡令出牧之大臣官員賠補則遇出牧之際其交代必致煩擾於事亦且有誤相應將出牧之倒斃損傷馬匹仍

令該佐領下添補若有遺失是乃出牧人員不謹之所致相應令出牧之大臣官員賠補其出牧之馬匹俟到京時仍令兵部大臣八旗大臣等會同驗看肥瘠奏

聞可也

奏入於雍正三年五月初四日奉

旨依議

上諭所給八旗恩賞銀兩或有一旗不給與官員之子弟

或有一旗又給與者夫推恩賞賜理當畫一即如貧乏筆帖式等以其為部院官員不令給與似屬難行此必八旗大臣恐銀兩不敷故行節省耳大約每旗一月不令過一千一二百兩則銀可足用矣著八旗大臣將此詳悉畫一議奏再所交取租之官房特欲令貧乏無房之人得以輕租賃住而受其益耳今聞自有房屋之人將伊之房屋重價出租却用賤價租取官房居住此豈可行者乎將官房交與旗下取租以充公用且使貧乏

無房之人得以賤價租住蓋欲二者均有裨益也將此查明必實係無房貧乏之人方准其租住特諭

八旗大臣等議覆查八旗

恩賞銀兩有給與官員子弟者有不給與今我

皇上洞鑒其情

諭令務使一體均沾臣等欽遵

上諭會議得護軍校驍騎校看守城門官渡等員並部院衙門筆帖式前鋒護軍及另戶領催甲馬執事人等



令八旗將

恩賞銀兩一體給與再查從前有滿洲蒙古二旗一月合領五六百兩銀者有一月合領一千一二百兩者今併所增給貧乏官員之子弟與筆帖式等合計每月所需銀兩之數亦不出一千一二百兩再交與旗下之官房理宜租與無房貧乏之人令其居住但不肖之徒自將房屋重價出租而以賤價租官房居住者實有其人

臣

等將此查明逐出視實係無房貧乏者

令其居住可也

奏入於雍正三年五月十六日奉

旨依議

領侍衛內大臣八旗大臣等遵

旨將三等侍衛兼佐領雅圖因伊妻縊死之故革職不准  
其子承襲一事具奏

名入奉

上諭雅圖罪案因打死家人伊妻自縊係伊家私事不可

連累其子若因公獲罪者始為當耳爾等公會議將何等之罪准其承襲何等之罪不准承襲之處明白議奏特諭

領侍衛內大臣八旗大臣等議覆

皇上辦理萬幾務求至當雖細微之事無不令協於理今

因雅圖一案

皇上洞燭其情

特命

臣

等會議

臣

等欽遵

上諭議得雅圖之罪實係伊家私事並非因公獲罪應將伊之世職仍令其子孫承襲嗣後凡世襲官員因私事獲罪在十惡內者不准其子承襲其因人命擬斬絞者雖遇

恩詔赦免仍不准其子承襲襲與親兄弟之子如無親兄弟及親兄弟無子嗣者該旗將原立官情由查明併家譜具奏請

旨此外因私事治以枷責之罪革職者將伊子孫併親兄

弟帶領引

見若止於革職去仍令其子孫承襲

奏入於雍正三年五日十六日奉

旨依議

八旗都統等將副都統金以坦條陳之處議奏奉

上諭爾等今日所奏係平常事件照依完結因爾等今日

齊集特召爾等入聆朕旨凡所設立一應法制特欲使  
衆人之遵行也一應定制及條奏准行事件有不便施

行者諸臣可將不便施行緣由聲明具奏朕即諭令停止若傳示衆人令其遵行事件必須實力奉行方是若徒有其名但一傳示照常疎忽此與未嘗傳諭於衆者何異如白塔及九門例有信礮纛幟乃曉示士卒之標準也今不惟兵丁等不知此例即新任大臣亦有不知者而陸續新進之兵丁不待言矣大臣等俱係管轄兵丁之人倘值用兵爾等即為士卒之觀瞻職任甚屬要密不可妄意輕視爾等各旗俱給有開載號令之書一

冊作何曉示新舊兵丁咸令識之爾等公同詳議具奏  
凡事務須防備於未然周思詳慮不少忽畧則自無可  
虞之事至於軍器為用最要聞得兵丁等佩刀俱係粗  
鐵既無鋒刃則斫之不入尚可謂之刀乎且東華門西  
華門外間有債刀之處步軍統領衙門應將此查明禁  
止再八旗存貯銀兩朕特為八旗兵丁而設爾等動用  
此銀時於奏銷摺內填寫將所用銀數銷算具奏之語  
特諭

金史卷三  
八旗都統等議覆

臣等欽遵

皇上諭旨嗣後一應施行事件如有不便

臣

等即奏請停

止凡所奉

訓諭之旨八旗於每月朔日將各甲喇佐領下人傳集宣  
示再於教場及一應會集之處宣讀曉諭再各佐領  
下每月支領錢糧之日分析條款通行宣諭至白塔  
九門所有信礮纛幟雍正元年每旗給有書籍一冊  
甚為明晰應交八旗都統護軍統領等令各前鋒叅



領侍衛護軍叅領護軍校驍騎叅領佐領驍騎校等  
於春秋二季凡該管兵丁有陸續挑取未經知悉者  
通行曉諭再兵丁之所恃者器械佩刀更為附近於  
身豈可有名無實至若僨用該班尤屬不合應將僨  
刀等弊交與步軍統領嚴查禁止至八旗官兵有佩  
粗鐵刀者請將官員給限半年護軍校驍騎校等給  
限一年令其更換護軍馬甲等交各佐領限十八箇  
月令其設法限內盡行更換倘逾限仍有佩粗鐵刀

當差者經該管官查出加重治罪再八旗原定形勝  
地方現今旗人不能確知臣等擬將各旗地方指明  
東西南北某旗與某旗接界各按甲喇均勻區畫則  
滿洲蒙古漢軍各知界限相度其勢即可定為形勝  
之地如此各旗各甲喇俱知本地界限凡遇傳集調  
遣等事自不至有紛擾貽誤之處俟

命下之日臣等各將本旗地方明白分析議奏至前鋒營  
護軍營形勝地方相應作何均勻畫為界限之處交

該管大臣議奏可也

奏入於雍正三年六月十三日奉

旨所議甚屬詳悉可嘉欽此八旗都統前鋒統領護軍統領等公同將擬定八旗形勝地方分析開列進呈

御覽

鑲黃正黃二旗之前鋒叅領侍衛前鋒校前鋒等以地安門為會集之處

正白鑲白二旗之前鋒叅領侍衛前鋒校前鋒等以

東安門為會集之處

正紅鑲紅二旗之前鋒叅領侍衛前鋒校前鋒等以  
西安門為會集之處

正藍鑲藍二旗之前鋒叅領侍衛前鋒校前鋒等以  
天安門為會集之處

鑲黃旗滿洲五甲喇蒙古二甲喇之護軍叅領護軍  
校護軍等各按甲喇自

地安門向東至

皇城東北角草廠衙西口為會集之處

正白旗滿洲五甲喇蒙古二甲喇之護軍叅領護軍  
校護軍等各按甲喇自草廠衙至東長衙衙西口  
為會集之處

鑲白旗滿洲五甲喇蒙古二甲喇之護軍叅領護軍  
校護軍等各按甲喇自東長衙衙西口向南循  
皇城墙至口袋衙衙西口為會集之處

正藍旗滿洲五甲喇蒙古二甲喇之護軍叅領護軍

金史卷三  
校護軍等各按甲喇自口袋衙西口向南進長安  
門金水橋為會集之處

正黃旗滿洲五甲喇蒙古二甲喇之護軍叅領護軍  
校護軍等各按甲喇自

地安門向西至

皇城西北角為會集之處

正紅旗滿洲五甲喇蒙古二甲喇之護軍叅領護軍

校護軍等各按甲喇自

皇城西北角向南循

皇城牆至西安門為會集之處

鑲紅旗滿洲五甲喇蒙古二甲喇之護軍叅領護軍  
校護軍等各按甲喇自西安門循

皇城牆至灰廠東口為會集之處

鑲藍旗滿洲五甲喇蒙古二甲喇之護軍叅領護軍  
校護軍等各按甲喇自灰廠東口向南進長安門金  
水橋為會集之處

鑲黃滿洲蒙古漢軍三旗各按甲喇自鼓樓向東至  
新橋自新橋大街北口城根向南至府學衙衙東口  
係與正白旗接界滿洲官兵自鼓樓向東循大街至  
經廠為頭甲喇十七佐領之處自經廠循交道口轉  
南至綿花衙衙東口為二甲喇十七佐領之處其三  
甲喇之十八佐領內自南鑼鼓巷北口至南口為五  
佐領之處南鑼鼓巷兩邊所有之鼓樓院方磚廠真  
武廟魚兒衙衙福祥寺帽兒衙衙炒豆衙衙綿花衙



衙兵馬司前圓安寺後圓安寺局兒衙衙此十二衙  
衙為十三佐領之處自交道口大街向東循新橋轉  
南至香兒衙衙東口為四甲喇十七佐領之處其五  
甲喇之十七佐領內自香兒衙衙東口向南至府學  
衙衙為九佐領之處府學衙衙馬將軍衙衙大興縣  
驛達子衙衙土兒衙衙香兒衙衙錢局週圍為八佐  
領之處蒙古官兵自交道口大街向北至安定門為  
頭甲喇十四佐領之處其二甲喇之十四佐領內自

北鑼鼓巷南口至北口為三佐領之處北鑼鼓巷兩  
邊所有之到抄衙衙經廠粉子亭謝家衙衙伽藍殿  
法通寺爭度寺豆腐池兒衙衙高古庵郎家衙衙碾  
兒衙衙此十一衙衙為十一佐領之處漢軍官兵自  
新橋大街向北自方家衙衙口為頭甲喇十佐領之  
處自方家衙衙向北至城根為二甲喇十一佐領之  
處國子監前後頭條衙衙二條衙衙三條衙衙方家  
衙衙國子監打狗巷肖家衙衙此七衙衙為三甲喇

十一佐領之處栢林寺前所有之鼓哨衙衙草廠王  
大人衙衙栢林寺此四衙衙為四甲喇十一佐領之  
處自北小街南口至城根胡椒圈之週圍手帕衙衙  
羊館衙衙針線衙衙寬街此四衙衙為五甲喇十佐  
領之處

正白滿洲蒙古漢軍三旗與鑲黃旗接界之處係自  
府學衙衙東口向南各按甲喇至四牌樓豹房衙衙  
東口與鑲白旗接界之處係自

皇城根至東城根滿洲官兵自鑲黃旗接界處之綿花  
衙衙東口循大街向南至大佛寺西北角為頭甲喇  
十七佐領之處自大佛寺西北角向南至豹房衙衙  
西口為二甲喇十六佐領之處

皇城東邊所有之寬街草廠衙衙取燈衙衙亮谷廠弓  
絃衙衙雙塔衙衙此六衙衙為三甲喇十六佐領之  
處兩大街所有之鐵獅子衙衙嘎嘎衙衙汪治馬衙  
衙魏家衙衙十景花園馬大人衙衙牆兒衙衙大佛

寺衙衙羊尾巴衙衙山老兒衙衙喇叭營此十一衙  
衙為四甲喇十六佐領之處其五甲喇之十六佐領  
內自馬市口向東至四牌樓為十佐領之處隆福寺  
週圍所有之細小衙衙為六佐領之處蒙古官兵自  
府學衙衙東口循大街至五條衙衙為頭甲喇十五  
佐領之處自五條衙衙至四牌樓為二甲喇十四佐  
領之處漢軍官兵自新橋大街向東至東直門為頭  
甲喇十佐領之處北新倉海運倉興平倉南新倉舊

泰倉富新倉此六倉門左近為二甲喇十佐領之處  
自東直門南小街口送姑娘衙街口袋衙衙慧照  
寺王家衙衙船板衙衙板橋衙衙此六衙衙為三甲  
喇十一佐領之處其四甲喇之九佐領內以北新橋  
大街為四佐領之處六條衙衙七條衙衙八條衙衙  
九條衙衙十條衙衙此五衙衙為五佐領之處其五  
甲喇之九佐領內以北小街為四佐領之處頭條衙  
衙二條衙衙三條衙衙四條衙衙五條衙衙此五衙

衙為五佐領之處

鑲白滿洲蒙古漢軍三旗與正白旗接界之處係自  
豹房衙衙向南至單牌樓與正藍旗接界之處係自  
皇城根向東至城根滿洲官兵自正白旗接界處由東  
長衙衙東口循大街向南至院府衙衙東口為頭甲  
喇十七佐領之處自院府衙衙東口至長安街牌樓  
為二甲喇十六佐領之處東安門大街兩邊所有之  
翠花衙衙東長衙衙奶子府衙衙燒酒衙衙錫喇衙

衙菜廠衙衙院府衙衙梯子衙衙口袋衙衙理藩院  
後之衙衙此十衙衙為三甲喇十八佐領之處自長  
安街牌樓向東至單牌樓為四甲喇十七佐領之處  
其五甲喇之十七佐領內自燈市口大街西口至東  
四牌樓大街為八佐領之處向南兩大街之間所有  
之椿樹衙衙乾魚衙衙西堂子衙衙金銀衙衙煤炸  
衙衙帥府衙衙頭條衙衙二條衙衙此八衙衙為九  
佐領之處蒙古官兵自四牌樓向南循大街至堂子



衙衙為頭甲喇十二佐領之處自堂子衙衙向南至  
單牌樓為二甲喇十二佐領之處漢軍官兵自四牌  
樓向東至小街為頭甲喇五佐領之處自小街至朝  
陽門為二甲喇四佐領之處祿米倉週圍之啞叭衙  
衙方家衙衙為三甲喇四佐領之處小街子史家衙  
衙乾麵衙衙小啞叭衙衙此四衙衙為四甲喇四佐  
領之處羊尾巴衙衙堂子衙衙史大人衙衙羊乙賓  
衙衙總把衙衙此五衙衙為五甲喇五佐領之處

正藍滿洲蒙古漢軍三旗與鑲白旗接界之處係自  
單牌樓至崇文門自金水橋向東至城根滿洲官兵  
自鑲白旗接界處由長安街牌樓向西進東長安門  
至金水橋為頭甲喇十六佐領之處自新街口南口  
至北口為二甲喇十七佐領之處自宗人府向南戶  
部週圍至中御河橋為三甲喇十七佐領之處自中  
御河橋至紅茶衙街口向北至長安街牌樓為五甲  
喇十七佐領之處蒙古官兵自單牌樓至崇文門為

頭甲喇十五佐領之處自江米巷東口至紅茶衙衙  
為二甲喇十四佐領之處漢軍官兵自單牌樓觀音  
寺衙衙向東至舉場西門為頭甲喇六佐領之處自  
羊肉衙衙西口向東至水磨衙衙為二甲喇七佐領  
之處自裱背衙衙西口至東口為三甲喇五佐領之  
處自蘇州衙衙西口向東至馬皮廠北口為四甲喇  
六佐領之處自船板衙衙西口向東至馬皮廠南口  
為五甲喇七佐領之處

正黃滿洲蒙古漢軍三旗自鼓樓向西至新街口自  
新街口大街北口城根向南至馬狀元衙衙西口與  
正紅旗接界滿洲官兵自鼓樓大街向西北藥王廟  
街南口至城根為頭甲喇十九佐領之處自北藥王  
廟街南口向西循大街至八調彎南口為二甲喇十  
九佐領之處自八調彎南口循大街至德勝門轉南  
至德勝橋為三甲喇十八佐領之處自鼓樓斜街循  
銀錠橋向西過李橫橋至德勝橋大街為四甲喇十

八佐領之處自松樹街北口至南藥王廟為五甲喇  
十八佐領之處蒙古官兵自松樹街南口向西至德  
勝橋大街轉北至弘善寺衚衕西口為頭甲喇十二  
佐領之處自弘善寺衚衕西口至德勝橋為二甲喇  
十二佐領之處漢軍官兵頭甲喇十佐領內以護國  
寺街為三佐領之處自綿花衚衕南口至羅圈衚衕  
西口為七佐領之處自西口連綿花衚衕廊房衚衕  
草廠衚衕為二甲喇十佐領之處自蔣家房東口至

西口為三甲喇十一佐領之處自新街口向北至四條衙街東口為四甲喇十佐領之處自四條衙街東口至城根及銅井為五甲喇九佐領之處

正紅滿洲蒙古漢軍三旗與正黃旗接界之處係自馬狀元衙街東口至與鑲紅旗接界之處

皇城根向西至城根滿洲官兵自西直門大街曹公觀之東至新街口轉南至石老娘衙街東口為頭甲喇二十佐領之處自石老娘衙街東口向南至四牌樓

轉東至馬市東口為二甲喇十六佐領之

皇城西邊所有之馬狀元衙衙太平倉衙衙毛家營衙  
衙紅羅廠衙衙拐棒衙衙此五衙衙為三甲喇十五  
佐領之處其四甲喇之十二佐領內以四牌樓大街  
為四佐領之處四牌樓大街西邊所有之驢肉衙衙  
帥府衙衙報子衙衙臭皮衙衙石老娘衙衙此五衙  
衙為八佐領之處四牌樓大街西邊所有之衛衣衙  
衙太平候衙衙五王侯衙衙車兒衙衙石碑衙衙寶

禪寺帽兒衙衙宮衣庫衙衙此八衙衙為五甲喇十四佐領之處蒙古官兵頭甲喇十一佐領內以西直門大街為六佐領之處大街南邊所有之草廠衙衙柳巷衙衙觀音寺衙衙陳線衙衙大覺寺衙衙此五衙衙為五佐領之處自大覺寺衙衙向南堅工廠翊教寺祖家街柵欄衙衙東觀音寺衙衙椿樹衙衙苦水井此七衙衙為二甲喇十一佐領之處漢軍官兵自阜城門循大街至宮門口為頭甲喇四佐領之處



自宮門口向東至馬石橋為二甲喇四佐領之處馬  
石橋北邊所有之蘓蘿卜衙回子營為三甲喇四  
佐領之處自回子營向北至茶葉衙衙翠花街為四  
甲喇四佐領之處自宮門口向北至葡萄園東口為  
五甲喇三佐領之處

鑲紅滿洲蒙古漢軍三旗與正紅旗接界之處係自  
羊肉衙衙向南至單牌樓與鑲藍旗接界之處係自  
皇城根向西至城根滿洲官兵自與正紅旗接界處之

四牌樓大街向南至單牌樓轉東至長安街牌樓為  
頭甲喇十三佐領之處西安門大街南邊所有之板  
腸衙衙廊房衙衙醬房衙衙小醬房衙衙東斜街細  
米衙衙此六衙衙為二甲喇十七佐領之處自細米  
衙衙向南散子衙衙狗尾巴衙衙避陰衙衙太僕寺  
街李閣老衙衙此五衙衙為三甲喇十七佐領之處  
自李閣老衙衙向南東夾道東岳廟岱北寺小東岳  
廟演象所官磨房此六衙衙為四甲喇十八佐領之

處散子衙衙向南堂子衙衙石虎衙衙蜈蚣衙衙  
油房衙衙茶葉衙衙西夾道正溝衙衙此七衙衙為  
五甲喇十七佐領之處蒙古官兵以四牌樓大街西  
邊所有之粉子衙衙後泥窪十八半節豐盛衙衙此  
四衙衙為頭甲喇十佐領之處自豐盛衙衙向北之  
兵馬司衙衙燕兒衙衙碑塔兒衙衙羊肉衙衙此四  
衙衙為二甲喇十二佐領之處漢軍官兵以四牌樓  
大街西邊所有之白廟衙衙半壁街衙衙此二衙衙

為頭甲喇二佐領之處自白廟衙衙向北車子衙衙  
魚錢衙衙沈窳子衙衙十張衙衙此四衙衙為二甲  
喇六佐領之處自十張衙衙向南打磨廠牛圈高井  
口袋衙衙此四衙衙為三甲喇四佐領之處自口袋  
衙衙向南施飯寺皮褲子衙衙東夾道衙衙此三衙  
衙為四甲喇六佐領之處自東夾道衙衙向南白廟  
衙衙刑部衙衙此二衙衙為五甲喇四佐領之處

鑲藍滿洲蒙古漢軍三旗與鑲紅旗接界之處係自

單牌樓至宣武門金水橋向西自城根滿洲官兵自  
與鑲紅旗田界處之長安街牌樓向東進西長安門  
至金水橋為頭甲喇十八佐領之處其二甲喇之十  
八佐領內自江米巷向北至長安門大街為十三佐  
領之處中府左府四眼井週圍為五佐領之處三甲  
喇之十八佐領內自河漕沿向東為十佐領之處石  
碑衙衛文昌閣拴馬莊馬神廟衙衛此四衙衛為八  
佐領之處自獅子口向東由皮市南口轉北至摧箒

衙衙西口為四甲喇十七佐領之處其五甲喇之十七佐領內自西單牌樓向南由絨線衙衙轉東至河漕沿為十二佐領之處六部口抽屜衙衙闕帝廟衙衙牛肉灣此四衙衙為五佐領之處蒙古官兵頭甲喇之十三佐領內自宣武門至絨線衙衙西口為七佐領之處油房衙衙南拴馬莊翠花衙衙棗樹街此四衙衙為六佐領之處中街半壁街前細瓦廠新簾子衙衙舊簾子衙衙此五衙衙為二甲喇十二佐領

之處漢軍官兵自西單牌樓西邊之抱子街東口至  
西口為頭甲喇五箇半佐領之處自手帕衙東口  
至西口為二甲喇四佐領之處自鐵匠衙東口至  
西口為三甲喇四佐領之處自石駙馬大街東口向  
西至棕毛衙為四甲喇五佐領之處自頭髮衙  
東口向西至臭水河三里河為五甲喇四佐領之處  
八旗都統等將服色等事定制具奏

# 召入奉

上諭覽諸臣所奏欲將官員軍民服一概加以禁約朕試問諸臣照此定制以申禁約能管束令其必改乎斷不能也法令者必其能禁而後禁之明知法不能勝而禁止之則法必不行亦何為哉從前屢禁而不能豈可復禁乎且照此禁令各按等秩將緞疋及貂鼠猞猁獬等細裘悉行禁止如許物件俱不准服用轉令大臣官員得以賤價購而服之是乃富室獲其利也兵丁等概令更換則布疋等物一時價值交騰反致貧乏兵丁難以



為生有何益哉其家貲殷實之人隨所得而服之至不肖家奴有越分服用以事奢靡者聽其作孽致困可也何必禁之且朕視諸大臣亦惟視其品行並不觀其服飾即如都統巴拜所戴涼帽殊不鮮明亦有何關礙爾諸臣視屬下兵丁猶朕之視爾等也惟當愛恤教誨以成就之見有服用僭越之人則誠飭之約束之曉諭而訓導之凡以為伊等之生計耳漸至醒悟數年之後自然悛改一遵儉朴矣但典禮所關官員朝服軍士器械

等項不可使之無色理宜修整令其鮮明尤有要者我朝滿洲等喜事尚不必論惟於父母之喪但恐無以飾觀有傷顏面人或謂之不孝每多勉強踰分費用此皆無知之所致耳夫孝者在於誠心並不在於躡等糜費本自各有定分也大臣等應將此留意時加嚴禁其定服色制度不必紛擾過於煩細但將護軍領催馬甲及閒散滿洲人再護軍校驍騎校筆帖式等服色如何定為制度之處大臣等詳究議奏特諭

八旗都統等議覆查服色之制從前屢申禁令俱未  
遵行今奉

諭旨謂概令更換則布疋等價一時騰貴轉無益於兵丁  
生計

聖慮所及無微不至甚為詳盡

臣等欽遵

上諭嗣後各將該管人等不時開諭教導若有服用越分  
及喜喪等事妄行糜費者查出懲責令其悛改再護  
軍校驍騎校筆帖式等除蟒緞粧緞及大花樣緞紗

貂鼠獐獬獮天馬青獐銀鼠白豹皮外其平常緞紗綾絢絹屯絹葛布夏布貉皮沙狐皮灰鼠狼皮狐皮羊皮准其服用惟帽領准用貂鼠護軍領催等除緞紗絢裘及緞靴緞襪不准服用外其絢綾紡絲絹繭絢綿絢褐屯絹葛布夏布各色布足貉皮沙狐皮狐皮羊皮等項准其服用帽領不得用貂鼠准用染色黃鼠狐皮貉皮馬甲人等惟繭絢綿絢褐屯絹葛布夏布各色布足貉皮狐皮羊皮等項准其服用帽領

照依護軍領催再鞍轡不許用倭緞壓線襯托緣飾  
鞦轡等項不許鍍金其盔甲腰刀撒袋等不在禁例  
雖係大臣官員之子在護軍領催馬甲行走者俱照  
兵丁服用閒散人等各隨其父之品級服用俟

命下之日

臣

等徧行傳示期於必行勒限一年務令盡改

如限滿之後仍有違越者一經

臣

等查出係官交部

治罪係兵即加責懲將失察之該叅領佐領驍騎校

等一併交部查議

奏入於雍正三年八月二十二日奉

旨所議好依議

上諭八旗一應工作動用錢糧等事各旗承辦人員雖有効力之處竝不特行登記以為憑據今旗員內効力行走者現任大臣雖得知之至陞轉後其新補之大臣不知其曾經効力以致掩沒遺漏則人何由鼓勵應照外省官員給與紀錄之例各旗人員經部派委一應差遣交辦事件及錢糧工作等項有効力較多於衆者酌量

予以紀錄其懶惰劣員即行叅劾懲治如此則賢否既有甄別而旗務自秩然就理矣著八旗大臣會同兵部議奏特諭

兵部與八旗大臣等議覆用人之道勸懲為先若優者無以為勸則劣者何由知懲

皇上睿慮周詳無微不至

特命臣等議給旗員紀錄此誠我

皇上鼓勵官方以整飭旗務之至意也臣等欽遵

上諭議得八旗官員內如有懶惰庸劣者仍照例叅處外  
其實心効力人員皆給與紀錄著兵部將用印號紙  
發與各旗遇有應給紀錄官員將事件緣由及紀錄  
幾次之處書於號紙加用旗印給發至紀錄四次者  
准加一級每年歲底由各該旗將紀錄人員彙奏行  
文兵部註冊茲將應給紀錄條款分別開列一凡所  
奉

諭旨及禁令條件各員如能凜遵曉示所屬令皆實心勉



勵滌除惡習至五年時該大臣等確查准加一級一  
凡叅領佐領護軍校驍騎校內有正已率屬安守本  
分顧惜顏面不嗜飲酒勤勞公事者至五年時該大  
臣等確查准給紀錄一次一凡叅領等果能教導本  
甲喇下兵丁嫻習馬步射官兵人等遇有傳集皆無  
違誤者准給紀錄二次一凡佐領驍騎校等果將本  
佐領下之馬甲與教養兵丁訓誨有成皆能清語嫻  
習禮儀工於馬步射者至三年時該大臣等確查佐

領准給紀錄二次驍騎校准給紀錄一次一凡佐領驍騎校果能嚴查該管人等將逃盜賭博擅動兵刃有實據之人犯拿獲五次者准給紀錄一次一凡支放官兵米石該旗委員監放如所委之章京驍騎校監放至五年並無生事作弊之處管轄嚴肅依限完結者該大臣等確查准給紀錄一次一凡每年派往馬場之叅領章京驍騎校等果能加意牧放使馬駝肥壯無有損傷令出牧之大臣等查驗如係一甲喇

之馬駝肥壯較勝別甲喇者行知該旗其章京驍騎校各給紀錄一次若一旗之馬駝肥壯無多損傷該叅領准給紀錄二次章京驍騎校各給紀錄一次一凡監修工作官員如能節省錢糧工作堅固三年以內並無倒壞者該大臣等確查准給紀錄一次一凡承追虧空官員能將虧空銀兩之人所匿房產查出及將虧空銀兩嚴追於限內完結至二千兩者准給紀錄一次至四千兩者准給紀錄二次至六千兩者

准給紀錄三次至八千兩者准加一級若所追納又有多於此者俱按此數予以加級紀錄一凡閒散官員如有行走勤慎兼工馬步射及器械修理者至三年時該大臣等確查准給紀錄一次一凡一應錢糧檔案該旗有行私作弊等事如知情之官員稟明都統該都統等確查果有實據視其事之輕重給與紀錄一凡官員等遇有差遣交辦事件果能實心辦理者令該大臣等詳查其事之大小如應與紀錄者准

給紀錄一次一凡族長等果能盡心教導族人使皆  
日進於善該叅領佐領稟知都統等至三年時給與  
紀錄以上十有三條臣等公同謹擬具奏俟  
命下之日著為定例永遠遵行

奏入於雍正三年九月初三日奉

旨所議好

管理內務府事務和碩莊親王允祿等奉

上諭朕厯念內府佐領下人等生計時加諮詢廉親王曾

在朕前奏稱旗下人等約六七人始得馬甲一名內府  
佐領下人等於滿洲三名內挑取馬甲二名等語爾等  
可即會同廉親王議奏特諭

廉親王允禩等議覆查康熙二十一年議將內府佐  
領渾托和下於滿洲三名之內挑取馬甲二名四十  
年又議將內府佐領渾托和下之另戶滿洲照前於  
三名內挑取馬甲二名外其戶下滿洲每佐領挑取  
馬甲四十九名每渾托和挑取馬甲十四名俱經奏

准在案查現今三旗內府滿洲佐領渾托和下除官員護軍領催執事人等一千四百八十三名外所有滿洲馬甲五千三百一名閒散滿洲一千八百七十八名嗣後請將三名滿洲內挑取馬甲二名之例停止所有五千三百一名馬甲定為五千名現今十七分滿洲佐領下共有馬甲一千六百五名應於閒散滿洲內再挑取九十五名共為一千七百名每佐領一百名其三十分渾托和下共有滿洲馬甲三千六

百九十六名應裁去三百九十六名餘為三千三百名每渾托和一百一十名其應裁之馬甲俟缺出令其註銷可也

奏入於雍正三年九月二十九日奉

旨廉親王允禩曾經密奏謂旗分佐領下六七人內始得馬甲一名內府佐領渾托和下三人內即挑取馬甲二名且無用之戶下馬甲甚多亦應照旗下佐領限定額數裁去戶下馬甲朕意其必有深知灼見之處始為此



奏因令會同內務府總管等議定再看應當詳悉定議  
或行裁減或以前奏為非自行請罪乃以與伊毫無關  
涉之事輒加朕以糜費國帑於無用之地護庇內府下  
人之名及交伊議復邀買衆心私圖名譽與伊前奏判  
然不同議將馬甲照前存留轉於佐領下添馬甲九十  
五名具奏甚屬奸詐作惡之極此無他特欲煽動包衣  
佐領下人心令其歸怨於朕之計耳今即照伊所奏將  
佐領渾托和下馬甲定為五十名餘皆裁減戶下馬甲

盡著革去分給王等之戶下馬甲亦著裁革包衣佐領  
下人等或歸怨朕躬或怨詛廉親王允禩至於世世不  
已聽憑伊等可也此事朕豈可任允禩欺瞞令衆人感  
戴允禩乎衆人內如有不怨詛允禩者亦昏愚無異於  
禽獸之人矣將此旨傳集衆人宣示

管理正黃旗滿洲漢軍事務多羅順承郡王錫保等  
奉

上諭看來襲職官員皆於原立官人之子內令其一子承

襲其襲職之人若無子嗣始將兄弟之子孫列名或有襲於其所愛之子者或有因其兄已有官職及在部院內行走希冀多得一官讓與其弟者一經襲職其子雖庸劣亦必承襲伊兄弟之子即有人甚去得者亦不得開列此世襲之員與王公之襲爵者不同伊等襲官之後各有職任嗣後將襲職人之子照常列名引見外其原立官之子孫內人材若不及現在襲職人之子則已如有人去得者亦行揀選照擬陪之例列於其後引見

爾等會同八旗大臣等遇議事之時詳悉議奏如有不便即將不便之處陳奏特諭

八旗都統等議覆

皇上軫念原立官宣力之人其所得之職恐因其子庸劣或致廢棄若與人去得者承襲既能為國家宣力又可得上進之階此誠

仁愛無疆之至意也

臣

等詳究並無不便之處所奉

諭旨實為至當嗣後將襲職人之子孫仍照常開列外其

兄弟之子若不及襲職人之子則已如有人去得者  
即行揀選照擬陪之例開列於後引

見俟

命下之日遍傳八旗登記檔案一體遵行可也

奏入於雍正三年九月三十日奉

旨依議

前鋒統領鄂善奏請將前鋒內一半令為烏鎗前鋒  
每旗擇能管轄者四人照副護軍校之例令帶藍翎

為烏鎗前鋒之長奉

上諭鄂善奏請將前鋒一半令為烏鎗前鋒似屬有益但前鋒等偵探信息伺捉賊人恐攜帶烏鎗有不便之處著八旗都統等會同前鋒統領護軍統領於各旗年老退任人內曾經帶領前鋒行走者明白詢問將有益無益之處議奏如果有益將烏鎗護軍內應挑前鋒者亦令挑取前鋒內有能烏鎗者遇用烏鎗之處即可用之將此詳議具奏特諭

八旗都統前鋒統領護軍統領等議覆臣等欽遵

上諭傳集八旗原在前鋒營行走之前鋒叅領侍衛等詳  
加詢問僉稱烏鎗誠為利器遇有伺捉之事原不攜  
帶烏鎗令習烏鎗並無不便等語應令前鋒內一半  
習用烏鎗即令習用烏鎗必用旗幟不可不添設隊  
長應擇能管轄者四人以為隊長照副護軍校例令  
帶藍翎再烏鎗護軍演習一應陣勢若挑取前鋒則  
新進之烏鎗護軍演習陣勢一時不能嫻熟請將烏

鎗護軍挑取前鋒之處停止即由前鋒內擇其年少  
人去得者挑取學習再前鋒實係精兵雖令一半學  
習烏鎗仍著前鋒統領叅領侍衛等訓練騎射俾其  
不致生疎俟

命下之日將應給前鋒等之烏鎗交前鋒統領查明照例  
由部領取可也

奏入於雍正三年十月十四日奉

旨依議



多羅果郡王允禮等奉

上諭德勝門外所有奉祀礮神之祭旗廟重加新葺將作何致祭之處爾等議奏特諭

多羅果郡王允禮等議覆查

地安門外火神廟每年六月二十三日太常寺備一猪一羊致祭今亦照此用一猪一羊及酒菓等物於每年春秋二季二八月內擇上丙日干令八旗漢軍輪班每一季著一旗承辦帶領該旗官員同滿洲火器

營大臣官員等俱著補服致祭其猪羊酒菓等物係某旗承祭即用該旗公中收貯銀兩治備俟

命下之日將此著為定例傳知八旗永遠遵行可也

奏入於雍正三年十一月初五日奉

旨依議

召入和碩怡親王允祥奉

上諭滿洲兵丁於技勇武藝俱已精練惟向來未習水師今欲於天津地方設立水師營分撥八旗滿洲前往駐

防操演似屬有益其應於何處駐劄設立幾營派兵若干用船若干並如何製造船隻如何演習兵丁之處可會同拉錫朱軾張廷玉蔣廷錫詳議具奏特諭

和碩怡親王允祥等議覆查天津之海東接

盛京朝鮮邊界南通福建浙江等省實海路之要口京師之重鎮陸路雖設綠旗汛兵而海防更屬緊要今滿洲兵丁一切武藝俱屬諳練但未學習水師若撥派滿洲兵丁令往天津駐劄學習水師非惟海防大

有裨益且滿洲官兵愈增武藝精而又精矣其撥派兵丁二千名之處已經奉有

諭旨再官兵駐劄地方亦奉

旨派出大臣前往相度毋庸再議外將此所派兵丁令八旗滿洲蒙古都統等於各該旗餘丁內挑選堪學習操演者每滿洲旗分各派二百名設立三佐領蒙古旗分每旗挑選五十名設立一佐領照依左右兩翼立為左右兩營至水師兵丁火器最為緊要應將此

兵丁俱設為鳥鎗手再天津附近京城其管轄官兵  
應設副都統一員此所設副都統應於現任副都統  
內

欽點

一員鑄給印信令其總管滿洲旗分既設三佐領每  
旗應補佐領防禦驍騎校各三員每翼補協領各二  
員蒙古旗分既設一佐領每旗應補佐領防禦驍騎  
校各一員每翼補協領各一員其補授協領等官應  
令八旗都統於各該旗內揀選應陞漢仗好能管轄

人員引

見補授天津地方初設駐防滿洲兵丁應補理事同知一員副都統既給印信應補隨印筆帖式三員再約計所派二千兵丁並僱募駕船頭舵水手數目所用船隻應將此二千兵分為兩班操演大小趕繒船各設十六隻現今即可足用俟兵丁學習熟練後將所僱之人發回之時其三十二隻船正足二千兵丁撐駕應令製造大號趕繒十六隻小號趕繒十六隻酌量

分配官兵操演其趕繒船不可不各隨小船一隻應  
令造杉板三十二隻此所造船隻行文江南浙江福  
建總督巡撫動用正項錢糧採買大木江南造大號  
趕繒船六隻小號趕繒船六隻杉板船十二隻浙江  
福建各造大號趕繒船五隻小號趕繒船五隻杉板  
船十隻催募熟悉頭舵水手酌量應用若干給與工  
食再教習八旗兵丁已奉

諭旨派出一等侍衛蔡勇藍翎林全應令伊等總領左右

兩營教習仰請

皇上於漢侍衛綠旗官內揀選熟練水師者多賞數員分撥八旗教習此所派出教習官員俱令各食現任俸祿俟教習三年後

特遣大臣查驗如果學習熟練即將教習官員交部議敘以應陞之缺即用再撐駕船隻舵工最為緊要此催募舵工內若有熟悉海洋深識水性者不必發回照舊給與工食留教兵丁如果効力該副都統具奏亦



交部議敘再駐防副都統協領佐領防禦驍騎校筆  
帖式俸銀米石俱照各品級支給外其二千兵丁每  
人每月各支餉銀一兩五錢米各三倉斗俱就近自  
天津倉庫支領再官兵駐劄地方俟看定時交與直  
隸總督照例蓋造衙署屋舍撥給官兵水手居住再  
每船應用礮位若干火箭籐牌挑刀等軍器若干應  
用何項礮位添設礮手若干兵丁在何處操演作何  
換班行走併在何處防禦商船何處停泊船隻之處

俟該副都統到天津時同教習蔡勇林全詳議具奏  
俟

命下之日除兵部將現任副都統職名開列具題恭候  
欽點外其副都統

勅書交與內閣撰給補官派兵交與八旗都統理事同知  
筆帖式交與吏部題補印信關防交與禮部鑄給需  
用旗纛交與工部製造

奏入於雍正三年十二月初六日奉

旨依議

世宗憲皇帝上諭旗務議覆卷三

欽定四庫全書

世宗憲皇帝上諭旗務議覆卷四

上諭古有諱名之禮所以昭誠敬致尊崇也朕臨御以來  
恐臣民過於拘謹屢降諭旨凡與御名聲音相同字樣  
不必迴避近見各省地名以音同而改易者頗多朕為  
天下主而四海臣民竭誠盡敬如此况

孔子德高千古道冠百王正彝倫端風化為往聖繼絕學  
為萬世開太平自天子以至於庶人皆受師資之益而

直省郡邑之名有

聖諱字在內者今古相沿未改朕心深為不安著九卿等會議凡直省地名有同

聖諱者或改讀某音或另易他字至於常用之際於此字作何迴避一併詳議具奏特諭

禮部等衙門議覆欽惟我

皇上道統承天心源契聖前已追封先世異數頻加茲復諭避

聖名褒崇愈極

念師資之廣被宜殊禮之獨隆誠尊

師無已之

宸衷曠古未有之特典也臣等遵

旨詳議惟祭

天於園丘丘字不用迴避外若府州縣地名有同

至聖之諱者交與內閣選擇字樣進

呈俟

皇上欽定其山川市鎮等交與該地方督撫詳查更易字樣報部至姓氏相同者按通考云太公望之後食采於謝邱子孫因得丘氏今擬添卅傍作邱姓至常用之際宜從古體寫作卅字似為允協伏候

欽定候

命下之日行文八旗直隸各省一體遵行可也

奏入於雍正四年二月初四日奉

旨朕以



先師孔子聖諱理應迴避前降諭旨令九卿會議具奏經九卿議覆凡係姓氏俱加卩為邱字凡係地名皆更易他名至於書寫常用之際則從古體卩字朕細思今文出於古文若改用卩字是仍未嘗迴避也此字本有期音查毛詩及古文作期音者甚多嗣後除四書五經外凡遇此字並加卩為邱地名亦不必改易但加卩傍讀作期音庶乎允協足副朕尊崇

先師至聖之意

欽定四庫全書

八旗都統等議奏副都統勒什布請將官馬烙各甲喇火印之處應不准行奉

上諭爾等將官馬烙火印之處議不准行朕謂官馬烙火印甚當可保無私行抵換之弊爾等之意以為已烙火印如有老廢殘傷不堪用之馬匹難於更換然雖烙官火印遇應換時毀其火印更換亦可再官馬若有不堪用者亦不宜數令更換以累兵丁既烙火印之後爾等須不時查驗有老廢殘傷者另記檔案喂養視其果不

堪用將廢馬賣去於所領喂養馬匹錢糧內不過通融  
兩月即可補置將八旗官馬製造一樣火印再各旗五  
甲喇各自用一火印記之此火印八旗不得相同則各  
火印判然可辨矣但不時查驗記檔大臣等雖多添一  
事而朕意則以為烙官火印係甚善之舉官馬既有分  
別遇應用時亦不至於各處購買以至租用駕車之馬  
匹矣將此再議具奏特諭

八旗都統等議覆臣等前因官馬烙火印難於更換

欽定四庫全書

世宗憲皇帝上諭旗務議覆

卷四

四

故未議准行茲奉

睿旨訓諭周詳實非臣等愚昧所能企及今欽遵

上諭議將八旗之官馬火印定為長三寸徑二寸文曰某旗官馬每旗滿洲五甲喇蒙古二甲喇定為七樣小火印不令重複凡新換馬匹俱令大臣等驗看烙該旗火印再交叅領等烙該甲喇火印如有不堪用之馬匹叅領佐領等查出告知大臣驗明毀其火印更換倘有私行更換等弊經臣等查出指名題

奏入於雍正四年二月二十日奉

旨依議

上諭從前朕於護軍叅領副叅領等俱施恩賞給親丁錢糧及折米價銀兩俟此次驍騎叅領等甄別訖時著八旗大臣等會同將驍騎叅領副叅領給與親丁錢糧及折米價銀兩之處稍減於護軍叅領等議奏特諭

八旗大臣等議覆現今賞給護軍叅領等每月親丁錢糧二兩合折米價銀一兩共為三兩副護軍叅領

等每月親丁錢糧一兩合折米價銀一兩共為二兩  
查驍騎叅領等現今所得親丁錢糧一兩一年三季  
所得米二十四斛副叅領等原無親丁錢糧米石今  
蒙

皇上施恩賞給叅領等著增銀五錢每月令得錢糧一兩  
五錢將一年三季所得二十四斛米裁去按月折米  
價銀一兩每月共給銀二兩五錢副叅領等每月令  
得錢糧一兩五錢不准給折米價銀俟

命下之日行知該部著為定例遵行

奏入於雍正四年二月二十一日奉

旨依議

召入八旗都統等奉

上諭朕常飭八旗大臣謂八旗為本朝根本國家莫有要  
於此者凡係生計禁令習俗等事屢經申降諭旨從前  
皇考之時

恩賞稠疊歷至多年而滿洲等生計並不見其滋殖轉益減

損者皆法令懈弛之故也

卷四

皇考備悉其情常加容宥此朕與羣臣所共知者既已知之豈可聽其恣意因循乎今大臣等如有謂八旗兵丁貧乏請將倉糧併戶部帑金盡行頒賜朕亦有何吝惜但須大臣等公同具保頒賜之後可令滿洲等永遠不失生計朕即賜與想大臣等必不肯具保也且即盡發國帑曲加賞賚若隨得隨盡曾不浹旬遽已無餘亦何濟之有不肖之徒往往將原有房產蕩盡無遺若於此輩



加以顧恤不但惡者無所懲即善者亦無由勸矣凡此  
不肖人等各叅領佐領若能痛加懲治豈有不改如有  
懲治而不改者是以國家有用之錢糧養此無用之廢  
人即應革退以為不肖者戒大臣等果能視兵如子以  
訓誨之懲惡獎善交叅領佐領等不時教導仍身任其  
責勉加訓誨何事不成今大臣等但知畏法於挑取領  
催馬甲不通賄賂不徇情面以校射為要務勤加操練  
而已不知爾等職任正不止於此也必教以典禮倫常

生計俾各好善惡惡漸皆得其生計方可謂大臣等之  
教育有成此三年以來大臣等除操練兵丁射箭挑取  
領催馬甲不通賄賂不徇情面外其教以典禮倫常生  
計之處安在今八旗兵丁生計仍然如故大臣等宜痛  
加勉勵現今叅領等俱經朕閱看甄別劣者革退優者  
留任又視爾等之所舉者皆已補授嗣後大臣及叅領  
等宜各加勉斷不可仍前粉飾須一意竭誠實心管理  
再叅領之職雖屬緊要而佐領為尤要凡佐領下人等

俱關係於一佐領諸凡管轄教導之事較大臣叅領等更為切近一佐領下之為善為惡皆佐領之責也是以整飭佐領最為要務如佐領中之原管佐領世管佐領或其人甚年幼或甚愚昧或衰老不能辦事既灼見其如此豈可將佐領事務交令遺誤耶或不但不能辦事至有擾累佐領下人墮壞佐領下事者凡此爾等應行查明若年幼愚昧與衰老不能辦事者如係伊祖父原管及因宣力所得之佐領與以佐領之俸勿令管理事

務於該旗甲喇大臣官員內擇其能管理者令其無管其作何整齊俾得妥協之處八旗大臣公同詳議具奏再文武大臣及侍衛等有無管佐領而不留心辦理事務者該旗大臣即應動色誠勉至驍騎校亦屬緊要佐領驍騎校若皆得其人佐領下事務自必整理若爾等仍不加意將佐領整飭使兵丁等生計無所資益俟更歷三年朕查閱之時將仍然如故無有功效者斷不輕釋也特諭

八旗都統等議覆欽惟我

皇上恩加宇內德育羣生念八旗滿洲係

國朝根本尤加撫恤疊沛

隆恩又以滿洲等久沐昇平漸棄純樸之舊習競慕無益之繁華理宜嚴加訓誡力整頽風佐領驍騎校等與佐領下之人最為切近若不克稱職何能教導他人聖諭周詳至明至當臣等欽遵

上諭議得八旗之原管佐領世管佐領內如有庸劣衰老

金匱要略卷四  
不能辦理佐領事務者帶領引

見革退於伊子弟及近族內擇其人去得者奏請補授如  
無應補之人若係伊祖父宣力所得之佐領不便革  
退應於該旗選擇能員引

見令其兼管其佐領之年幼者亦另派官員兼管以俟其  
長成此兼管佐領之員叙功治罪俱與佐領一體舉  
行三年一次甄別永為定例至管理佐領之大臣官  
員侍衛等平日俱推事故於射箭會集之處不甚行

走嗣後除該班奏事及別奉差遣外俱令與佐領一體行走有推託事故者即行叅處再驍騎校亦屬緊要應將現任驍騎校等亦加甄別其年老不能辦事及庸劣者如曾有軍前効力之處令離任留其職銜俸祿應退者即行革退另補

奏入於雍正四年二月二十八日奉

旨爾等所議甚好

都統觀音保等將八旗漢軍虧空人員以地畝抵交

欠項者議定四等價值請

旨具奏奉

上諭這所議不甚詳細今爾等奏將漢軍虧空人員之地畝分為四等則從前滿洲蒙古所奏入官地畝一概定價二十八兩殊不畫一或有以少作多者亦未可定若依爾等所奏令戶部差官同地方官踏看定價倘有弊端反無稽察之處况爾等該旗俱有印信理應該旗派員會同地方官詳查定價若有瞻徇等弊戶部亦可稽



察此事著會同滿洲蒙古大臣等一併詳議具奏特諭  
八旗滿洲蒙古漢軍都統等議覆據都統觀音保等  
奏稱八旗漢軍虧空錢糧人等之地量其高下收租  
之多寡定為四等價值頭等者作價四十八兩二等  
者作價三十八兩三等者作價二十八兩四等者作  
價十八兩分別等次甚屬周詳查從前八旗滿洲蒙  
古旗下虧空人員有將地畝抵交欠項者每地一丁  
概定二十八兩已經奏聞轉交戶部迄今時日既久

相應無庸再議現今所有應行入官之地其價值之多寡地畝之高下未經踏看實難遽定相應欽遵

諭旨令各該旗派委賢能章京行文會同地方官視其地之高下收租之多寡及現賣價值若干之處詳悉查明到日應定何等價值之處另行定議具奏外嗣後八旗滿洲蒙古漢軍拖欠錢糧人等有房地者催令速賣交銀若無承買之人不可將地仍留本人聽其取租入已若有此等之地該旗大臣等查明派委賢

能章京行文會同地方官視其地畝之高下收租若干價值若干之處分別等次定價具奏轉交戶部詳悉稽察倘有以少為多與多寡不合之處將派往之章京及地方官一併題叅議處俟

命下之日行知戶部轉行直隸總督可也

奏入於雍正四年三月初九日奉

旨依議

上諭自古朋黨擾亂國家乃極惡之事也本朝朋黨朕歷

年以來知之最切阿靈阿鄂倫岱實為朋黨之首伊等並不計國家利害惟以利己為謀與允禔允禵允禞等朋比為姦憤懣我

皇考擾亂我國家乃舉國之所共知朕即位之後寬宥鄂倫岱阿爾松阿之前愆授以重要之任蓋冀其改過自新効力贖罪不意伊等怙惡不悛不惟不感戴朕恩而且種種巧詐搖惑衆心擾亂政治遇事則加朕以不美之名先經諸王大臣九卿因伊等罪惡請加誅戮再三陳

奏朕未即加誅發往盛京宥以不死伊等之黨應深知  
恐懼感戴朕恩實心竭力改悔前惡乃衆人仍畏懼伊  
等不能忽然於心至夸岱蒙朕施恩不殺伊兄將公爵  
賜伊承襲乃並不思君臣大義如梁山泊賊黨區區信  
義益加怨望並不謝恩亦漫無喜色諸凡使朕煩擾一  
切交付之事甚是怠玩似此輩朋黨加以恩既不知  
感戴懲之以法復不知畏懼今若不誅鄂倫岱阿爾松  
阿將謂朕姑息不能執法其朋黨亦無警戒休止之日

矣至阿爾松阿委係賊子姦詭甚於伊父是鄂倫岱阿爾松阿斷難姑留於世朕必欲置之大辟著諸王貝勒貝子公議政大臣九卿等議奏特諭

王貝勒貝子公議政大臣九卿等議覆阿靈阿鄂倫岱從前固結朋黨種種巧詐擾亂衆心敗壞政事憤懣我

聖祖仁皇帝其悖逆之罪不能悉數衆所共知蒙

聖主宥其前愆仍將鄂倫岱用為大臣又將阿靈阿之子

阿爾松阿授以重任乃鄂倫岱阿爾松阿竟不感戴  
皇恩怙惡不悛固結朋黨復蒙

聖主好生之德不忍即行加誅寬宥伊等性命發往

盛京但在京所有伊等朋黨仍不知改是又明欲憤懣  
我

皇上若不將鄂倫岱阿爾松阿正法伊等朋黨何能改悔  
查律內在朝官員交結朋黨紊亂朝政者皆斬監候  
妻子為奴財產入官等語但鄂倫岱係朋黨之首若

不將伊等正法朋黨斷難止息應將鄂倫岱阿爾松  
阿俱提解來京交與刑部即行處斬將妻子入辛者  
庫財產入官伏思交結朋黨擾亂國家之處

皇上洞悉此情從前曾賜諸王大臣官員朋黨論一書理  
宜人人感戴銘諸肺腑永世遵行無替若稍有違悖  
即屬擾亂國家之人現今夸岱蒙

聖主自閒散賜襲公爵簡用重任並不叩謝

天恩亦漫無喜色是竟不知君臣大義仍顧戀從前朋黨



深負

皇恩應將夸岱革退拏交該部從重治罪竊念為人臣者  
稍悖君臣大義即為逆賊人人可得而誅臣等請嗣  
後若仍有如此結黨之人雖蒙

聖主天恩寬宥臣等亦難容忍凡遇此等務行題叅即照  
此例治罪以為交結朋黨之戒

奏入於雍正四年五月初二日奉

旨鄂倫岱阿爾松阿俱著交與噶爾弼即行處斬將伊等

妻子為奴財產入官之處俱從寬免夸岱已另有旨

議政王大臣等奉

上諭看來大臣等有派往軍前及奉遠差者爾王大臣等  
每各盡親友情分幫助駝馬銀兩朕意以為各行幫助  
不若公同官中幫助之為愈也蓋以此為官中公舉則  
為國効力之人既知勸勉而衆人之親友情分亦得以  
克盡此乃甚善之舉爾等公同酌量議奏特諭

議政王大臣等議覆大臣等奉有遠差勤勞公事衆

人念親友之誼各皆情願幫助若得作為公舉官中幫助既有以勸奉使之人而衆人又得以盡其情誼實係甚善之舉無不踴躍從事臣等欽遵

上諭議得親王以下八旗文武三品大臣以上按其品級量行派出現今往軍前之將軍巴賽護軍統領常塞立每人幫助銀三千兩嗣後派往遠處之大臣等計其日期之多寡視其路途之遠近酌量議定將幫助數目繕摺奏聞

奏入於雍正四年六月初三日奉

旨依議

上諭據拉錫奏請欲將旗印貯於公署但貯於公署又須  
派用官兵看守將此著八旗大臣等公同會議具奏特  
諭

八旗都統等議覆查八旗印信原係各旗都統掌管  
於康熙五十三年蘇努奏請左右兩翼各給一印將  
八旗舊印收回交部雍正元年正月奉

旨滿洲蒙古漢軍三旗共給一印將兩翼總印收回交部  
欽遵在案現今八旗印信俱係滿洲都統掌管其蒙  
古漢軍旗下遇有移咨用印之事稍覺不便請仍照  
前例每旗給與三印收貯各都統家有應行文事件  
令都統副都統等公同酌定即用印施行則事無遲  
誤亦可不添派官兵看守矣

奏入於雍正四年七月初八日奉

旨從前將八旗二十四顆印信收回兩翼各給一印實由

於蘇努欲獨擅其權奏請之所致也其旗務掣肘違誤之處朕悉知之因令每三旗各給一印看其何如近見事務仍為遲滯爾等所議是照依施行

鑲紅旗漢軍都統等將和碩莊親王允祿屬下佐領朱之瑛補授散騎郎之處查奏奉

上諭爾等所查將佐領兼補散騎郎之處甚不明白著兵部將顯親王誠親王恒親王八阿哥屬下曾否有此定例之處詳查具奏特諭

兵部議覆查會典並未載有諸王之散騎郎缺補用何等官員之處是以散騎郎員缺俱於阿達哈哈番佐領等官之內據該王送到之人臣部帶領引

見補授但查佐領一官非閒散職官可比如兼在散騎郎行走則佐領事務必致有誤若遇考察該旗大臣亦不知其辦事之優劣應將現在佐領之兼散騎郎者俱令撤回該王有欲留者令其各自陳奏嗣後散騎郎缺出不准挑取佐領俱於各屬精奇尼哈番以下

拖沙喇哈番以上等官之內揀選引

見補授俟

命下之日永為定例遵行

奏入於雍正四年八月初四日奉

旨現在王等屬下之散騎郎照常准留貝勒貝子之散騎  
郎俱著退回嗣後王等如有欲挑欲留者令其指名具  
奏餘依議

上諭查律載鬪毆成傷定有保辜之限所以重民命而慎



刑罰也聞京城內外凡鬪毆傷人者各該地方步軍無分輕重即將兩造並拘如遇重傷之人則用門板扛擡先赴該旗步軍尉報驗次赴兩翼總尉衙門掛號然後解送步軍統領衙門聽審倘係應行咨部之案則拖累之日更多大凡被毆之人受傷雖重尚可醫救一經移動失於調理勞頓冒風或致殞命此等命案雖係愚民好勇鬪狠而亦未必非問理各官懈怠之所致也嗣後凡係鬪毆成傷者應分別傷痕之輕重若傷重不能行

動者禁止移動勒令即時加意調治著問理衙門委官親詣驗看使被毆之人得以安卧醫救不致誤傷性命其應如何定例通行之處著三法司衙門詳議具奏特諭

三法司衙門議覆欽惟我

皇上至聖至仁無微不照念及鬪毆之人有成重傷者若令移動恐致失於調治

特命臣等詳議定例斯誠我

皇上好生愛民之至意也臣等欽遵

上諭議得凡京城內外有鬪毆傷輕者照例送理刑衙門  
審斷外有傷重不能動轉者或在衙門控告或被步  
兵拏獲惟將毆人之該犯送至理刑衙門該衙門即  
委官帶領仵作親詣驗傷取供擬定日期令其保辜  
將被傷之人擡赴衙門驗傷之處永行禁止違者將  
該管各員槩行治罪

奏入於雍正四年八月十八日奉

旨依議

刑部議將偷創封禁礦砂之范時緒等擬以軍徒等罪因係旗人令其解部枷責一案具奏奉

上諭這本內議稱偷創封禁礦砂之范時緒等律應發遣邊衛充軍係旗人解部枷責等語朕思發遣治罪滿漢應同一體從前定例將徒流等罪之旗人改折鞭責必有緣故今可否與漢人更改畫一之處著大學士等會同八旗都統及滿洲漢軍九卿確議具奏特諭

大學士八旗都統及滿洲漢軍九卿等議將滿洲蒙古漢軍嗣後有犯軍流罪者分別擬議繕摺具奏奉  
上諭滿洲蒙古營生之道與民人迥異其滿洲蒙古有犯  
軍流罪者可暫停議遣仍照舊例枷責完結嗣後若咸  
能懷恩畏法至於鮮有犯者則朕之用恩即同於用法  
倘仍罔知感化甘罹法紀則即與漢軍民人一例充發  
著再速議具奏欽此該臣等議得向例旗人犯法治罪  
者除死罪外軍流徒罪俱折枷責完結嗣後請將旗

人所犯軍流徒罪仍照舊例准折枷責完結外漢軍  
以及辛者庫包衣佐領官員人等犯軍流罪者按所  
犯流罪之遠近照律分發各省州縣地方安置應發  
邊衛充軍者亦按其所犯照律編發及應發極邊煙  
瘴充軍者俱著發雲南貴州四川廣西地方於發遣  
到日該地方官報明該督撫咨部存查再遣犯內有  
妻子無可依靠之人欲隨往者照例聽其隨往若遣  
犯身故伊妻子有願以骸骨歸旗者具呈該管官查

明家口數目報部押令歸旗如軍流發遣人犯內有  
祖父母父年老殘疾家無以次成丁者照例具題  
准其留養仍照例枷號鞭責其滿洲蒙古漢軍之家  
奴犯軍流罪者發於遣所令該督撫酌發有駐汛弁  
兵之處給兵丁為奴俱止將其本身發遣若發遣處  
有將犯人疎脫者該管官員照軍流人犯脫逃例議  
處有受賄縱放者照主守故縱受財例治罪此軍流  
人犯內或漢仗好弓馬好或伊祖父陣亡有戰功伊

本身立有戰功者該旗大臣查明據實咨部該部具奏請

旨若奉

旨准免發遣者則按其應流二千里折枷號五十日者增枷號六十五日流二千五百里折枷號五十五日者增枷號七十日應流三千里折枷號六十日者增枷號七十五日軍罪應折枷號三個月者增枷號一百一十日免其發遣如此則旗人之兇惡妄行者俱知



懲戒而不敢輕蹈法紀矣俟

命下之日通行八旗暨各省駐防處其京師八旗以今年十月為始各省駐防處以雍正五年正月為始俱應照依此例一體遵行其犯軍流罪之條目著刑部查明條款開列刊刷分發八旗及各省駐防處令各該管官通發所屬各使咸知若刊刻刷印尚須時日至期奏請寬限兩月可也

奏入於雍正四年九月初二日奉

旨依議

上諭賭博之事最壞人之品行若下等之人習此必至聚集匪類作姦犯科放僻邪侈之事多由此起若讀書居官之人習此必至廢時失事志氣昏濁何能立品上進乃向來屢申禁飭而此風尚未止息深可痛恨若不嚴禁賭具究不能除賭博之源著京城內外及各省地方官將紙牌骰子悉行嚴禁不許貨賣違者重治其罪常有窩賭之家誘人入局以取其利嗣後准輸錢之人自

行出首免其賭博之罪仍追所輸之銀錢還與之庶使  
賭博之人有害而無利則其風可以止息矣又見漢軍  
惡習常以工於馬弔互相誇尚且借此為消閒解悶之  
具夫既已居官則應辦之事務甚多日夕不遑尚恐遲  
誤安有餘閒為此無益之戲且聞有上司與屬下官員  
鬪牌為戲者尤非體統大玷官箴嗣後若有司官員鬪  
牌賭博著該管上司及該督撫指名題叅至禁止賭博  
宜如何定例之處該部議奏特諭

刑部議覆欽惟我

皇上睿慮周詳隱微洞燭念賭博之事為害甚多

特命臣等定例嚴加禁止臣等欽遵

上諭查定例旗人製造牌骰售賣者照光棍為從例擬絞  
監候等語是旗人之處分已嚴而民人止於枷責所  
以民人不知畏懼仍行製賣嗣後應將民人之製造  
牌骰售賣者為首之人發邊衛永遠充軍為從之人  
杖一百流二千里販賣者為首之人杖一百流二千

里為從之人杖一百徒三年令該地方官出示嚴禁  
再賭博之事其為害甚多嗣後旗人有開場放頭者  
不論官員與平人俱照光棍為從例擬絞監候民人  
有開場聚賭者無論官員與平人俱杖一百徒三年  
倘設計誘人賭博放頭者俱杖一百流三千里凡自  
首者免罪至官員者乃平民之表率更不應違法犯  
禁嗣後無論滿漢文武官員有以馬弔為戲者俱革  
職照例杖一百枷號兩個月不准折贖永不叙用再

上司有與屬員賭博為戲者亦俱革職照例杖一百  
枷號三個月不准折贖永不叙用該管上司等若不  
嚴查禁止別經發覺照徇庇例降三級調用

奏入於雍正四年九月二十三日奉

旨依議

上諭錢文乃民間日用之所必需向因錢價昂貴朕悉心  
籌畫至再至三今鼓鑄之錢日增而錢文不見其多錢  
價仍復不減是必姦民圖利有銷燬制錢打造器皿之

事若不禁止銅器則錢價究不能平而無以便民間之用從前九卿議今不許製造黃銅器皿其已成之銅器有情願出賣者俱作廢銅交官給與價值朕思如此奉行究不能盡除積弊且些微物件亦難彙集交官終屬有名無實嗣後京城之內除三品以上官員准用銅器外其餘人等不得用黃銅器皿定限三年令其將所有黃銅器皿悉行出賣當官給與應得之價如旗人則於本旗交官領價漢官民人則於五城該管之處交官領

價不論輕重多寡隨便收買不許發價之人絲毫扣剋違者重治其罪若三年之後仍有私藏黃銅器皿者亦加重處如此可永杜燬錢製器之弊而國寶流通民用充裕實為大有裨益著九卿確議具奏特諭

九卿議覆查雍正四年正月內經大學士九卿等議准除樂器天平法馬戩子及五觔以內鏡子外其餘器皿不論大小輕重俱不許以黃銅製造其已經造成器皿者俱著以為廢銅交官領價等因在案但已



經半載將黃銅器皿交官領價者甚少而銅器鋪內  
仍然出賣如前我

皇上念切民生洞燭錢價不減皆緣奸民燬錢鑄器情由  
特降諭旨至明至當臣等欽遵

上諭議得嗣後三品以上官准用黃銅器皿民間所用樂  
器鏡戩等項仍照臣等原議准用外其餘文武官員  
兵民等一應大小器皿俱不准用黃銅除原有櫃箱  
上之黃銅飾鏤外其餘不論輕重多寡俱交官領價

係旗人交該旗佐領下查收係漢官民人交五城御史查收令各該管處無論多寡隨交隨收驗看銅色核算觔兩照部定價每觔給銀一錢一分九釐九毫三絲若發價之人絲毫勒索從重治罪其收買銅之銀兩於戶部支領所收之銅令該管處按季交送錢局以備鼓鑄之用將此勒限三年若逾限仍有隱匿銅器不行交賣者從重治罪其舖內所收零星銅器限三月內盡行交官領價違者從重治罪其銅器舖

內仍有製造黃銅器皿者亦從重治罪將此行知步軍統領五城御史順天府府尹出示徧行曉諭仍不時稽察違者即行緝拏審理直隸各省俱照京師例勒限三年令其交納則各處銅器盡能禁止而燬錢之弊可除矣俟

命下之日由戶部行知八旗各省一體遵行

奏入於雍正四年十月初九日奉

旨依議

上諭看來八旗漢軍佐領多寡不等如佐領甚少旗分補授官員之人有不能得者將此著八旗都統等除原管佐領外其餘佐領應如何令其均勻之處公同議奏若上三旗之佐領稍多亦可特諭

八旗都統等議覆查左翼鑲黃旗漢軍所有之佐領五十分正白旗漢軍所有之佐領四十九分鑲白旗漢軍所有之佐領二十二分正藍旗漢軍所有之佐領三十二分右翼正黃旗漢軍所有之佐領五十一

分正紅旗漢軍所有之佐領十九分鑲紅旗漢軍所  
有之佐領二十二分鑲藍旗漢軍所有之佐領二十  
二分半左翼四旗較右翼四旗共多佐領三十九分  
臣等酌令均勻鑲黃旗置佐領四十四分正黃旗置  
佐領四十二分正白旗置佐領四十二分鑲白旗置  
佐領二十八分正紅旗置佐領二十八分鑲紅旗置  
佐領二十七分正藍旗置佐領二十八分鑲藍旗置  
佐領二十八分半俱視其居處相近便於當差行走

者移置此移置佐領內之叅領步軍校等官仍令在  
原旗當差行走俟所移之旗缺出調補其自上三旗  
移置之佐領下官員遇年節之時照常令隨原旗上  
朝遇挑取執事人仍行挑取可也

奏入於雍正四年十月十七日奉

旨依議

世宗憲皇帝上諭旗務議覆卷四